

**“Иқтисодиёт ва саноат вазирлиги – янги давр ва долзарб  
вазифалар” мавзусида ўтказилган ўқув-семинарининг**  
**ПРЕСС-РЕЛИЗИ**

Гулистон шахри

2019 йил, 19 январь

Маълумки, Ўзбекистон Республикаси Президентининг “Иқтисодий ривожланиш соҳасида давлат сиёсатини амалга ошириш тизимини тубдан такомиллаштириш чора-тадбирлари тўғрисида”ги ҳамда “Урбанизация жараёнларини тубдан такомиллаштириш чора-тадбирлари тўғрисида”ги фармонлари қабул қилиниб, ушбуларга кўра, Иқтисодиёт вазирлиги Ўзбекистон Республикаси Иқтисодиёт ва саноат вазирлиги этиб қайта ташкил этилди.

Юқоридаги фармон ва қарорнинг мазмун-моҳиятини оммавий ахборот воситалари орқали кенг жамоатчиликка батафсил тушунтириш, мамлакатимизда олиб борилаётган таркибий ислоҳотлар асосий йўналишларининг “Йўл харитаси” бўйича вазирликнинг олдида турган асосий вазифалари билан батафсил таништириш мақсадида мазкур ўқув семинари ташкил этилди.

Ушбу тадбирда иқтисодий ривожланиш соҳасида давлат сиёсатини амалга ошириш тизимини тубдан такомиллаштириш, жумладан, иқтисодиёт органларининг амалдаги тузилмаси, уларнинг ишини замонавий талаблар асосида ташкил қилиш, иқтисодиётнинг худудий ва тармоқ тараққиётини, жумладан урбанизация салоҳиятини амалга ошириш орқали уларнинг мутаносиблигини мувофиқлаштирадиган тизимни барпо этиш, бунда: иқтисодиёт органлари фаолияти самарадорлигини тубдан ошириш, уларни мамлакатни ижтимоий-иқтисодий ривожлантириш “локомотивига” айлантириш, иқтисодиётни бошқаришда бозор механизмларини изчил жорий этиш каби устувор вазифаларга алоҳида тўхталинди.

Шунингдек, семинарда иккита шўъба иш олиб борди.

Биринчи шўъбада кўтарилган масалалар Республикада амалга оширилаётган иқтисодий ва ижтимоий ислоҳотлар мазмун-моҳиятига бағишланиб, унда Ўзбекистон Республикаси Иқтисодиёт ва саноат вазирлиги олдида турган асосий вазифалар атрофлича кўриб чиқилди.

Жумладан, 2030 йилгача бўлган даврда барқарор ривожланиш соҳасидаги Миллий мақсад ва вазифалар (рус. – Цели устойчивого

*развития (ЦУР), англ.- Sustainable Development Goals (SDGs) ҳақида, Республикаизда рақамли иқтисодиётга ўтиш вазифалари ва бу орқали кутилаётган натижалар, қишлоқ хўжалигини ривожлантириш, мамлакатимизда озиқ-овқат хавфсизлигини таъминлаш, инвестицион лойиҳаларни комплекс экспертиза қилиш, янги солиқ сиёсати натижасида нарх барқарорлигини таъминлаш, аниқ мисоллар ва формуласар мисолида нарх шаклланиши ва ҚҚСни ҳисоблаш методикаси каби масалаларда тақдимотлар бўлиб ўтди.*

Иккинчи шўъбанинг йўналиши худудларни комплекс ривожлантиришга қаратилган устувор вазифаларга бағишланди. Унда худудларда ишлаб чиқариш қувватларини самарали жойлаштириш, кичик саноат зоналари, тўқимачилик ва қишлоқ хўжалиги кластерлари фаолияти ҳамда худудлараро халқаро ҳамкорликни кучайтириш борасида олиб борилаётган ишлар ҳақида тўхталди.

Ушбу ўқув-семинарида вазирлик тизимидағи барча вилоятлар иқтисодиёт ва саноат бош бошқармалари раҳбарлари, мутахассислари, Сирдарё вилоятининг ишбилармон доиралари ўртасида мавзу юзасидан кўтарилилган масалар бўйича жонли мунозаралар бўлиб ўтди.

Ўзбекистон Республикаси  
Иқтисодиёт ва саноат вазирлиги  
Ахборот хизмати: 71-232-63-48, 71-232-64-99  
E-mail: [info@mineconomy.uz](mailto:info@mineconomy.uz)  
Web: <https://mineconomy.uz>  
Telegram: @MineconomyUz

Сирдарё вилояти иқтисодиёт  
ва саноат бош бошқармаси  
0367-22-235-03-95